



Inatsisartunut ilaasortaq Jess Svane, Siumut

E-mailikkut uunga nassiussaq: inatsisartut@inatsisartut.gl

## **Nassuttuumi aavarnerup nalaanut tunngatillugu § 37 naapertorlugu apeqqummut nr. 231-2018-imeersumut akissut**

18 september 2018  
Sagsnr. 2018-17739

Inatsisartut suleriaasianni § 37 naapertorlugu Naalakkersuisunut ataani apeqqutit saqqummiussimasatit matumuuna akissuteqarfigineqarput. Kalaallit Nunaanni Aalisarsinnaanermut Akuersissutinik Nakkutilliisoqarfimmit, Kommune Qeqertalimmit Visit Greenlandimillu akissutinik pissarsiortoqarpoq.

Postboks 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: isiin@nanoq.gl  
www.naalakkersuisut.gl

### **1. Iisimaneqarnerluni aavarfiup nalaani takornariartaatinik Nassuttuumut pulasoqartalersimanera allaat nunamut gummibádinik ikaassorneqarlutik ikaassuisoqartalersimanera?**

Akissut:

Kommune Qeqertalimmit akissut manna pissarsiarineqarpoq:

"Kommune Qeqertalimmi immikkoortortaqrarfiit paasiniaaffigineqareernerani qulakkeerparput Kommune Qeqertalik Nassuttuumi takornariartaateqarsimaneranun tunngasunik attavigineqarnikuunngimmat. Erseqqissassuarpullu Nassuttooq killeqarfiit marluk akornaniimmat. Tassa Nassuttuup kujataatungaa Qeqqata Kommunianiimmat kiisalu avannaatungaa Kommune Qeqertalimiilluni. Kommune Qeqertalik piniarnermut nakkutilliisoqanngilaq, taakkulu pissarsiarissagaanni Avannaata kommunia imaluunniit Qeqqata kommunia attavigineqassaaq".

Tamatuma saniatigut Kalaallit Nunaanni Aalisarsinnaanermut Akuersissutinik Nakkutilliisoqarfik, piniarnermik nakkutilliisunik akisussaasoq, apeqqutigineqartumut matumunnga aamma ilisimasaqaratik. Visit Greenland aamma taamatut paasissutissiivoq.

Tamakku saniatigut Nassuttuup eqqaani sumiiffinni gummibádit atorlugit angallatit takornariartaatit inunnik ikaarussisarsimanerannik Naalakkersuisut ilisimasaqanngillat.

### **2. Taamaassimappat suminngaanniik akuerineqarpat kiallu nakkutigai?**

Kalaallit Nunaanni Aalisarsinnaanermut Akuersissutinik Nakkutilliisoqarfik imatut nalunaarpoq: "Kalaallit Nunaata kitaata sineriaani KANUAANA piniarnermik aalisarnermillu ataavartumik nakkutilliisarpoq, nalunaarutit paasissutissalu ersarissut tiguneqartut toqqammavigalugit aamma qanoq iliuseqartarluni. KANUAANA sumiiffimmi aasaq manna arlaleriarluni misissuisarsimavoq, pineqartumulli tunngasumut takusaqaranilu paasisaqarnani".

Kalaallit Nunaanni takornariatut angalanissamut immikkut akuersissuteqarnissamik aallaaviatigut piumasaqaateqartoqanngitsoq Naalakkersuisut tassunga oqaatigissavaat.

Taamaattumik takornariatut angalanissamut akuersissummik aallaaviatigut  
tunniussaartoqarsimassanngilaq.

Inussiarnersumik inuulluaqqusillunga



Aqqalu Jerimiassen